

脈經

卷四  
五六

吳希珍藏





南京中医药大学图书馆藏

2012

脈經卷四

辨三部九候脈證第一

平雜病脈第二

診五藏六腑氣絕證候第三

診四時相反脈第四

診損至脈第五

診脈動止投數死期年月第六

診百病死生訣第七

診三部虛實決死生第八

辨三部九候脈證第一

經言所謂三部者寸關尺也九候者每部中有天地人



也上部主候從胸以上至頭中部主候從膈以下至氣

街下部主候從氣街以下至足浮沈牢結遲疾滑濇各

自異名分理察之勿怠觀變所以別三部九候知病之

所起審而明之針灸亦然也故先候寸脈中寸中一作十中於九

案先候寸脈十中於九也袁校本注無寸中二字較明浮在皮膚沈細在裏昭昭

天道可得長久上部之候牢結沈滑有積氣在膀胱微

細而弱臥引裏急頭痛欬逆氣上下心膈上有熱者

口乾渴燥病從寸口邪入上者名曰解脈來至狀如琴

絃苦少腹痛女子經月不利孔竅生瘡男子病痔左右

脇下有瘡上部不通者苦少腹痛腸鳴寸口中虛弱者

傷氣氣不足大如桃李實苦痺也寸口直上者逆虛也




如浮虛者泄利也。中部脈結者，腹中積聚。若在膀胱兩脇下有熱脈浮而大，風從胃管入，水脹乾嘔，心下澹澹。如有桃李核，胃中有寒，時苦煩痛，不食，食即心痛，胃脹支滿，膈上積，脇下有熱，時寒熱淋露，脈橫出上者，脇氣在膀胱病，即著右橫關入寸口中者，膈中不通，喉中咽難刺，關元入少陰下部脈者，其脈來至浮大者，脾也。與風集合，時上頭痛，引腰背，小滑者厥也。足下熱煩滿，逆上搶心，上至喉中，狀如惡肉，脾傷也。病少腹下在膝諸骨節間寒清不可屈伸，脈急如弦者，筋急，足攣結者，四肢重從尺邪入陽明者，寒熱也。大

案此從秦定本諸本俱作太

風邪

入少陰，女子漏白，下赤，男子溺血，陰痿不起，引少腹疼。



人有三百六十脈法三百六十日三部者寸關尺也尺脈爲陰陰脈常沈而遲寸關爲陽陽脈俱浮而速氣出爲動入爲息故陽脈六息七息十三投陰脈八息七息十五投此其常也二十八脈相逐上下一脈不來知疾所苦尺勝治下寸勝治上尺寸俱平治中央臍以上陽也法於天臍以下陰也法於地臍爲中關頭爲天足爲地有表無裏邪之所止得鬼病何謂有表無裏寸尺爲表關爲裏兩頭有脈關中絕不至也尺脈上不至關爲陰絕寸脈下不至關爲陽絕陰絕而陽微死不治三部脈或至或不至冷氣在胃中故令脈不通也上部有脈下部無脈其人當吐不吐者死上部無脈下部有脈雖

困無所苦所以然者譬如人之有足樹之有根雖枝葉  
枯槁根本將自生木有根本即自有氣故知不死也寸  
口脈平而死者何也然諸十二經脈者皆係於生氣之  
原所謂生氣之原者非謂十二經之根本也謂腎間動  
氣也此五藏六府之本十二經之根呼吸之門三焦之  
原一名守邪之神也故氣者人根本也根絕則莖枯矣  
寸口脈平而死者生氣獨絕於內也腎間動氣謂左為  
腎右為命門命門  
者精神之所舍原氣之所係也一名守邪之神以合門  
之神因守邪氣不得妄入入即死矣此腎氣先絕於內  
其人便死其脈不復反得動氣也案反帝曰谷氣  
得動氣之氣泰定居敬本俱作病疑誤

多氣者死形氣相得者生參伍不調者病三部九候皆



相失者死上下左右之脈相應如參春者病甚上下左右相失不可數者死中部之候雖獨調與衆藏相失者死中部之候相減者死目內陷者死黃帝曰冬陰夏陽奈何岐伯曰九候之脈皆沈細懸絕者爲陰主冬故以夜半死盛躁喘數者爲陽主夏故以日中死是故寒熱者平旦死熱中及熱病者日中死病風者以日夕死病水者以夜半死其脈乍數乍疎乍遲乍疾者以日乘四季死形肉已脫九候雖調猶死七診雖見九候皆順者不死所言不死者風氣之病及經月之病似七診之病而非也故言不死若有七診之病其脈候亦敗者死矣必發噦噫必審問其所始病與今之所方病而后各切



循其脈視其經絡浮沈以上下逆順循之其脈疾者不病其脈遲者病脈不往來者死皮膚著者死  
兩手脈結上部者濡結中部者緩結三里者豆起弱反在關濡反在巔微在其上濇反在下微即陽氣不足沾熱汗出濇即無血厥而且寒

黃帝問曰余欲毋視色持脈獨調其尺以言其病從外知內爲之奈何岐伯對曰審其尺之緩急小大滑澀肉之堅脆而病形變定矣調之何如對曰脈急者尺之皮膚亦急脈緩者尺之皮膚亦緩脈小者尺之皮膚減而少脈大者尺之皮膚亦大脈滑者尺之皮膚亦滑脈濇者尺之皮膚亦濇凡此六變有微有甚故善調尺者不



待於寸善調脈者不待於色能參合行之可為上工尺

膚滑以淖澤者風也尺內弱解佻安臥脫肉者寒熱也

尺膚濇者風痺也尺膚麤如枯魚之鱗者水淡飲也尺

膚熱甚脈盛躁者病溫也其脈盛而滑者汗且出尺膚

寒甚脈小

一作急

者泄少氣尺膚烜然

烜然甲乙作熱炙人手

先熱

後寒者寒熱也尺膚先寒久持之而熱者亦寒熱也尺

烜然熱人迎大者掌

案掌秦定本作嘗

奪血尺緊人迎脈小甚

則少氣色白有加者立死肘所獨熱者腰以上熱肘前

獨熱者膺前熱肘後獨熱者肩背熱肘後麤以下三四

寸腸中有蟲手所獨熱者腰以上熱臂中獨熱者腰腹

熱掌中熱者腹中熱掌中寒者腹中寒魚上白肉有青



血脈者胃中有寒諸浮諸沈諸滑諸澀諸弦諸緊若在寸口膈以上病若在關上胃以下病若在尺中腎以手病出魚刺者難治

寸口脈滑而遲不沈不浮不長不短為無病左右同法寸口太過與不及寸口之脈中手短者曰頭痛中手長者曰足脛痛中手促上擊者曰肩背痛

寸口脈浮而盛者病在外

寸口脈沈而堅者病在中

一作氣及疝瘕小腹

寸口脈沈而弱者髮必墮落

寸口脈沈而緊苦心下有寒時痛有積聚



寸口脈沈胸中短氣

寸口脈沈而喘者寒熱

寸口脈但實者心勞

寸口脈緊或浮膈上有寒肺下有水氣

脈緊而長過寸口者注病

脈緊上寸口者中風風頭痛亦如之

千金翼云亦為傷寒頭痛

脈弦上寸口者宿食降者頭痛

脈來過寸入魚際者遺尿

脈出魚際逆氣喘息

寸口脈漑漑如羹上肥陽氣微連連如蜘蛛絲陰氣衰

寸口脈偏絕則臂偏不遂其人兩手俱絕者不可治



兩手前部陽絕者苦心下寒毒喙中熱

關上脈浮而大風在胃中張口肩息心下澹澹食欲嘔

關上脈微浮積熱在胃中嘔吐虵蟲心健忘

關上脈滑而小大不勻千金云必吐逆是為病方欲進不出一

二日復欲發動其人欲多飲飲即注利如利止者生不

止者死

關上脈緊而滑者虵動

關上脈澀而堅大而實按之不減有力為中焦實有伏

結在脾肺氣塞實熱在胃中袁氏云澀脈與有力反今並言者浮之澀大按之堅

實故言有力也

關上脈澹澹大而尺寸細者其人必心腹冷積癥瘕結



聚欲熱飲食

大面尺寸脈皆其人必心腹合前

關上脈時來時去乍大乍小乍疎乍數者胃中寒致羸

劣不欲飲食如瘡狀

五胃中寒則寸口脈微與寸口

尺脈浮者客陽在下焦

對之尺脈浮者中寒實

尺脈細微溏泄下冷利

尺脈弱寸強胃絡脈傷

尺脈虛小者足脛寒痿痺腳疼

鳴出時收呼吐吞

尺脈澀下血下

案秦定居敬木作不利

利多汗

素問又云尺澀脈滑謂之多汗

尺脈滑而疾為血虛

胃中澀也

尺脈沈而滑者寸白蟲

寸白蟲

尺脈細而急者筋攣痺不能行



尺脈羸常熱者謂之熱中腰膝疼小便赤熱  
尺脈偏滑疾面赤如醉外熱為病

平雜病脈第二

滑為實為下又為陽氣衰數為虛為熱浮為風為虛動  
為痛為驚

沈為水為實又為鬼疰弱為虛為悸

遲則為寒濇則少血緩則為虛洪則為氣一作熱

緊則為寒弦數為瘧

瘧脈自弦弦數多熱弦遲多寒微則為虛代散則死弦

為痛痺一作浮偏弦為飲雙弦則脇下拘急而痛其人

濇濇惡寒



脈大寒熱在中

伏者霍亂

安臥脈盛謂之脫血

凡亡汗肺中寒飲冷水欬嗽下利胃中虛冷此等其脈

竝緊

浮而大者風

浮而大者中風頭重鼻塞

浮而緩皮膚不仁風寒入肌肉

滑而浮散者攤緩風

滑者鬼疰

澀而緊痺病



南京中醫藥大學圖書館版權所有



浮洪大長者風眩癩疾

大堅疾者癩病

弦而鈎脇下如刀刺狀如蜚尸至困不死

緊而急者遁尸

洪大者傷寒熱病

浮洪大者傷寒秋吉春成病

浮而滑者宿食

浮滑而疾者食不消脾不磨

短疾而滑酒病

浮而細滑傷飲

遲而濇中寒有癥結



駛而緊積聚有擊痛

弦急痼痲小腹痛又為癖病

一作脾病案脾泰定袁校本竝作痺

遲而滑者脹

盛而緊者脹

弦小者寒澀

沈而弦者懸飲內痛

弦數有寒飲冬夏難治

緊而滑者吐逆

小弱而濇胃反

遲而緩者有寒

微而緊者有寒



沈而遲腹藏有冷病

微弱者有寒少氣

實緊胃中有寒苦不能食時時利者難治

一作時時利  
稽留難治

滑數心中結熱盛

滑疾胃中有熱

緩而滑曰熱中

沈一作浮而急病傷寒暴發虛熱

浮而絕者氣急

辟大而滑中有短氣

浮短者其人肺傷諸氣微少不過一年死法當嗽也

浮而數中水冬不治自愈



短而數心痛心煩

弦而緊脇痛藏傷有瘀血

一作有寒血

沈而滑為下重亦為背脊痛

脈來細而滑按之能虛因急持直者僵仆從高墮下

在內

微浮秋吉冬成病

微數雖甚不成病不可勞

浮滑疾緊者以合百病久易愈

陽邪來見浮洪

陰邪來見沈細

水穀來見堅實



脈來乍大乍小乍長乍短者為祟

脈來洪大嫋嫋者社祟

脈來沈沈澤澤四肢不仁而重土祟

脈與肌肉相得久持案泰定本作待之至者可下之

弦小緊者可下之

緊而數寒熱俱發必下乃愈

弦遲者宜溫藥

緊數者可發其汗

診五藏六府氣絕證候第三

病人肝絕八日死何以知之面青但欲伏眠目視而不

見人汗一作泣出如水不止一日死



病人膽絕七日死何以知之眉為之傾

病人筋絕九日死何以知之手足爪甲青呼罵不休

入日死

病人心絕一日死何以知之肩息回視立死

一日目亭二日死

病人腸一日小腸絕六日死何以知之髮直如乾麻不得屈

伸自汗不止

病人脾絕十二日死何以知之口冷足腫腹熱臚脹泄

利不覺出無時度

一日五日死

病人胃絕五日死何以知之脊痛腰中重不可反覆

一日

脾腸平九日死

病人肉絕六日死何以知之耳乾舌皆腫溺血大便赤



泄一日足腫  
九日死

病人肺絕三日死何以知之口張但氣出而不還

虛張短氣

病人大腸絕不治何以知之泄利無度利絕則死

病人腎絕四日死何以知之齒為暴枯面為正黑目中

黃色腰中欲折自汗出如流水

一日入中平七日死

病人骨絕齒黃落十日死

諸浮脈無根者皆死

診四時相反脈證第四

春三月木王肝脈治當先至心脈次之肺脈次之腎脈

次之此為四時王相順脈也到六月土王脾脈當先至



南京中医药大学图书馆版权所有

而反不至反得腎脈此為腎反脾也七十日死何謂腎反脾夏火王心脈當先至肺脈次之而反得腎脈是謂腎反脾期五月六月忌丙丁

脾反肝三十日死何謂脾反肝春肝脈當先至而反不至脾脈先至是謂脾反肝期正月二月忌甲乙

腎反肝三歲死何謂腎反肝春肝脈當先至而反不至腎脈先至是謂腎反肝也期七月八月忌庚辛

腎反心二歲死何謂腎反心夏心脈當先至而反不至腎脈先至是謂腎反心也期六月忌戊己

臣億等按千金云此中不論脈金之氣疎略未論指南又推五行亦頗顛倒待別求錄上案脈金當是肺金





診損至脈第五

脈有損至何謂也然至之脈一呼再至曰平三至曰離  
經四至曰奪精五至曰死六至曰命絕此至之脈也何  
謂損一呼一至曰離經二呼一至曰奪精三呼一至曰  
死四呼一至曰命絕此損之脈也至脈從下上損脈從  
上下也損脈之為病柰何然一損損於皮毛皮聚而毛  
落二損損於血脈血脈虛少不能榮於五藏六府也三  
損損於肌肉肌肉消瘦飲食不為肌膚四損損於筋筋  
緩不能自收持五損損於骨骨痿不能起於牀反此者  
至之為案之為從寫本當有據病也從上下者骨痿不  
正各本並作於收誤能起於牀者死從下上者皮聚而毛落者死治損之法

柰何然損其肺者益其氣損其心者調其榮衛損其脾者調其飲食適其寒溫損其肝者緩其中損其腎者益其精氣此治損之法也


脈有一呼再至一吸再至一呼三至一吸三至一呼四至一吸四至一呼五至一吸五至一呼六至一吸六至一呼一至一吸一至再呼一至再吸一至呼吸再至脈來如此何以別知其病也然脈來一呼再至一吸再至不大不小日平一呼三至一吸三至爲適得其病前大後小卽頭痛目眩前小後大卽胸滿短氣一呼四至一吸四至病適欲甚脈洪大者苦煩滿沈細者腹中痛滑者傷熱濇者中霧露一呼五至一吸五至其人當困沈



細卽夜加浮大卽晝加不大小雖困可治其有大小者  
爲難治一呼六至一吸六至爲十死脈也沈細夜死浮  
大晝死一呼一至一吸一至名曰損人雖能行猶當  
猶未案難經作猶當着牀所以然者血氣皆不足故也再呼一至  
再吸一至名曰無魂無魂者當死也人雖能行名曰行

尸

扁鵲曰脈一出入曰平再出一入少陰三出一入太  
陰四出一入厥陰再入一出少陽三入一出陽明四入  
一出太陽脈出者爲陽入者爲陰故人一呼而脈再動  
氣行三寸一吸而脈再動氣行三寸呼吸定息脈五動  
一呼一吸爲一息氣行六寸人十息脈五十動氣行六



尺二十息脈百動爲一備之氣以應四時天有三百六十五日人有三百六十五節晝夜漏下水百刻一備之氣脈行丈二尺一日一夜行於十二辰氣行盡則周遍於身與天道相合故曰平平者無病也一陰一陽是也脈再動爲一至再至而緊卽奪氣一刻百三十五息十刻千三百五十息百刻萬三千五百息二刻爲一度一度氣行一周身晝夜五十度脈三至者離經一呼而脈三動氣行四寸半人一息脈七動氣行九寸十息脈七十動氣行九尺一備之氣脈百四十動氣行一丈八尺一周於身氣過百八十度故曰離經離經者病一陰二陽是也三至而緊則奪血脈四至則奪精一呼而脈四



動氣行六寸人一息脈九動氣行尺二寸人十息脈九

十動氣行一丈二尺一備之氣脈百八十動氣行

四尺一周於身氣過三百六十度再徧於身不及五節

一時之氣而重至諸脈浮濇者五藏無精難治一陰三

陽是也四至而緊則奪形脈五至者死一呼而脈五動

氣行六寸半當行七寸半人一息脈十一動行尺三寸當行尺五


寸人十息脈百一十動氣行文三尺當行文五尺一備之氣

脈二百二十動氣行三丈六尺當行三丈案二丈六尺從居敬袁校本秦定本

誤作文三尺一周於身三百六十五節氣行過五百四十度

再周於身過百七十度一節之氣而至此氣浮濇經行

血氣竭盡不守於中五藏痿瘠精神散亡脈五至而緊



則死三陰

一作二陰

三陽是也雖五猶未如之何也

脈一損一乘者人一呼而脈一動人一息而脈再動氣

行三寸十息脈二十動氣行三尺一備之氣脈四十動

氣行六尺不及周身百八十節氣短不能周徧於身苦

少氣身體懈惰矣

脈再損者人一息而脈一動氣行一寸五分人十息脈

十動氣行尺五寸一備之氣脈二十動氣行三尺不及

周身二百節凝

案秦定居敬本俱作疑

血氣盡經中不能及故曰

離經血去不在其處大小便皆血也

脈三損者人一息復一呼而脈一動十息脈七動氣行

尺五寸

當行尺五分

一備之氣脈十四動氣行三尺一寸

當行



一尺不及周身二百九十七節故曰爭氣行血留不能相與俱微氣閉實則胸滿藏枯而爭於中其氣不朝血凝於中死矣

脈四損者再息而脈一動人十息脈五動氣行七寸半一備之氣脈十動氣行尺五寸不及周身三百一十五節故曰亡血亡血者亡失其度身羸疲皮裹骨故氣血俱盡五藏失神其死明矣

脈五損者人再息復一呼而脈一動人十息脈四動氣行六寸一備之氣脈八動氣行尺二寸不及周身三百二十四節故曰絕絕者氣急不下牀口氣寒脈俱絕死矣

岐伯曰脈失四時者爲至啟至啟者爲損至之脈也損之爲言少陰主骨爲重此志損也飲食衰減肌肉消者是意損也身安臥臥不便利耳目不明是魂損也呼吸不相通五色不華是魄損也四肢皆見脈爲亂是神損也大損三十歲中損二十歲下損十歲損各以春夏秋冬平人人長脈短者是大損三十歲人短脈長者是中損二十歲手足皆細是下損十歲失精氣者一歲而損男子左脈短右脈長是爲陽損半歲女子右脈短左脈長是爲陰損半歲春脈當得肝脈反得脾肺之脈損夏脈當得心脈反得腎脈之脈損秋脈當得肺脈反得肝心之脈損冬脈當得腎脈反得心脾之脈損當審切寸





口之脈知絕不絕前後去為絕掌上相擊堅如彈石為

上脈虛盡下脈尚有是為有胃氣

上脈盡下脈堅如彈石為有胃氣

下脈皆盡者死不絕不消者皆生是損脈也至之為言

言語音深遠視憤憤是志之至也身體羸大飲食暴多

是意之至也語言妄見手足相引是魂之至也龍蔥華

色是魄之至也脈微小不相應呼吸自大是神之至也

是至脈之法也死生相應病各得其氣者生十得其半

也黃帝曰善


○診脈動止投數疎數死期年月第六

脈一動一止二日死

一經云一日死

二動一止三日死三動一

止四日死或五日死四動一止六日死五動一止五日



死或七日死六動一止八日死七動一止九日死八動

一止十日死九動一止九日死又云十一日死一經云十三日

死若立春十日動一止立夏死一經云立春死十一動一止夏至死

一經云立夏死一經云立秋死十二十三動一止立秋死一經云立冬死十四

十五動一止立冬死一經云立夏死二十動一止一歲死若立

秋死二十一動一止二歲死二十五動一止立冬死一經

云一歲死或二歲死三十動一止三歲死三十五動一止

三歲死四十動一止四歲死五十動一止五歲死不滿

五十動一止五歲死

脈來五十投而不止者五藏皆受氣即無病千金方云五行氣畢

陰陽數同榮衛出入經脈脈來四十投而一止者一藏流通晝夜百刻五德相生



無氣卻後四歲春草生而死脈來三十投而一止者二  
藏無氣卻後三歲麥熟而死脈來二十投而一止者三  
藏無氣卻後二歲桑椹赤而死脈來十投而一止者四  
藏無氣歲中死得節不動出清明日死遠不出穀雨死  
矣脈來五動而一止者五藏無氣卻後五日而死  
脈一來而久住者宿病在心主中治脈二來而久住者  
病在肝支中治脈三來而久住者病在脾下中治脈四  
來而久住者病在腎間中治脈五來而久住者病在肺  
支中治五脈病虛羸人得此者死所以然者藥不得而  
治針不得而及盛人可治氣全故也

診百病死生訣第七



診傷寒熱盛脈浮大者生沈小者死

傷寒已得汗脈沈小者生浮大者死

溫病三四日以下不得汗脈大疾者生脈細小難得者

死不治

溫病穰穰大熱其脈細小者死

千金穰穰作時行

溫病下利腹中痛甚者死不治

溫病汗不出出不至者死厥逆汗出脈堅強急者生

虛緩者死

溫病二三日身體熱腹滿頭痛食飲如故脈直而疾者

八日死四五日頭痛腹滿而吐脈來細強十二日死八

九日頭不疼身不痛目不赤色不變而反利脈來牒牒



按之不彈手時大心下堅十七日死

熱病七八日脈不軟一作喘不散一作數者當瘡瘡後

溫汗不出者死

熱病七八日其脈微細小便不利加暴日燥脈代舌焦

乾黑者死

熱病未得汗脈盛躁疾得汗者生不得汗者難瘥

熱病已得汗脈靜安者生脈躁者難治

熱病已得汗常大熱不去者亦死大一作專

熱病已得汗熱未去脈微躁者慎不得刺治

熱病發熱熱甚者其脈陰陽皆竭慎勿刺不汗出必下

利



診人被風不仁痿廢其脈虛者生緊急疾者死

診癩病虛則可治實則死

癩疾脈實堅者生脈沈細小者死

癩疾脈搏大滑者久久自己其脈沈小急實不可治小

緊急亦不可療

診頭痛目痛久視無所見者死

久視一作卒視

診人心腹積聚其脈堅強急者生虛弱者死又實強者

生沈者死其脈大腹大脹四肢逆冷其人脈形長者死

腹脹滿便血脈大時絕極下血脈小疾者死

心腹痛不得息脈細小遲者生堅大疾者死

腸澼便血身熱則死寒則生



腸澼下白沫脈沈則生浮則死

腸澼下膿血脈懸絕則死滑大則生

腸澼之屬身熱脈不懸絕滑大者生懸濇者死以藏期

之臍淵煖者死其臍寒者生

腸澼下膿血脈沈小流連者生數疾且大有熱者死

腸澼筋攣其脈小細安靜者生浮大緊者死洞洩食不

化不得留下膿血脈微小遲者生緊急者死

洩注脈緩時小結者生浮大數者死

蠶蝕陰疰其脈虛小者生緊急者死

欬嗽脈沈緊者死浮直者生浮軟者生小沈伏匿者死

欬嗽羸瘦脈形堅大者死



欬嗽脫形發熱脈小堅急者死肌瘦下脫形熱不去者

死

欬而嘔腹脹且洩其脈弦急欲絕者死

吐血衄血脈滑小弱者生實大者死

汗出若衄其脈小滑者生大躁者死

吐血脈緊强者死滑者生

吐血而欬上氣其脈數有熱不得臥者死

上氣脈數者死謂其形損故也

上氣喘息低昂其脈滑手足溫者生脈澀四肢寒者死

上氣面浮腫肩息其脈大不可治加利必死一作又甚

上氣注液其脈虛寧寧伏匿者生堅强者死





寒氣上攻脈實而順滑者生實而逆澀則死太素云寒氣暴上脈

滿實何如曰實而滑則生實而逆則死矣其形盡滿何如曰舉形盡滿者脈急大堅尺滿而不應如是者應則

生逆則死何謂順則生逆則死曰所謂順者手足溫也謂逆者手足寒也

瘡癰脈實大病久可治脈懸小堅急病久不可治

消渴脈數大者生細小浮短者死

消渴脈沈小者生實堅大者死

水病脈洪大者可治微細者不可治

水病脹閉其脈浮大軟者生沈細虛小者死

水病腹大如鼓脈實者生虛者死

卒中惡吐血數升脈沈數細者死浮大疾快者生

卒中惡腹大四肢滿脈大而緩者生緊大而浮者死緊



細而微者亦生

病瘡腰脊強急瘰癧者皆不可治

寒熱瘰癧其脈代絕者死

金瘡血出太多其脈虛細者生數實大者死

金瘡出血脈沈小者生浮大者死

斫瘡出血一二石脈來大二十日死

斫刺俱有病多少血出不自止斷者其脈

案袁校本作血

止脈

來大者七日死滑細者生

從高頓仆內有血腹脹滿其脈堅強者生小弱者死

人為百藥所中傷脈浮澀而疾者生微細者死洪大而

遲者生

千金遲作速



南京中醫藥大學圖書館版權所有

如循張弓弦絙絙然如兩人共引一索至立冬死

千金作子

立春而死

○診三部脈虛實決死生第八

三部脈調而和者生

三部脈廢者死

三部脈虛其人長病得之死虛而濇長病亦死虛而滑

亦死虛而緩亦死虛而弦急癩病亦死

三部脈實而大長病得之死實而滑長病得之生卒病

得之死實而緩亦生實而緊急癩癩可治

三部脈強非稱其人病便死

三部脈羸非其人

一作脈得之死



三部脈麤長病得之死卒病得之生

三部脈細而軟長病得之生細而數亦生微而緊亦生

案袁校本作死

三部脈大而數長病得之生卒病得之死

三部脈微而伏長病得之死

三部脈軟一作濡長病得之不治自愈治之死卒病得之

生

三部脈浮而結長病得之死浮而滑長病亦死浮而數

長病風得之生卒病得之死

三部脈芤長病得之生卒病得之死

三部脈弦而數長病得之生卒病得之死



人病甚而脈不調者難差

人病甚而脈洪者易差

人內外俱虛身體冷而汗出微嘔而煩擾手足厥逆  
不得安靜者死

脈實滿手足寒頭熱春秋生冬夏死

老人脈微陽羸陰強者生脈焱大加息一作如急者死陰弱

陽強脈至而代奇一作寄月而死

尺脈濇而堅為血實氣虛也其發病腹痛逆滿氣上行

此為婦人胞中絕傷有惡血久成結瘕得病以冬時黍

稌赤而死

尺脈細而微者血氣俱不足細而來有力者是穀氣不



充病得節輒動棗葉生而死此病秋時得之

左手寸口脈偏動乍大乍小不齊從寸口至關關至尺

三部之位處處動搖各異不同其人病仲夏得之此脈

桃花落而死

花一作葉

右手寸口脈偏沈伏乍小乍大朝來浮大暮夜沈伏浮

大即太過上出魚際沈伏即下不至關中往來無常時

時復來者榆葉枯落而死

葉一作葉

右手尺部脈三十動一止有頃更還二十動一止乍動

乍疎連連相因不與息數相應其人雖食穀猶不愈羸

草生而死

左手尺部脈四十動而一止止而復來來逆如循直木



三部脈革長病得之死卒病得之生

三部脈堅而數如銀釵股蠱毒病必死數而軟蠱毒病得之生

三部脈漑漑如羹上肥長病得之死卒病得之生

三部脈連連如蜘蛛絲長病得之死卒病得之生

三部脈如霹靂長病得之死三十日死

三部脈如弓弦長病得之死

三部脈累累如貫珠長病得之死

三部脈如水淹然流長病不治自愈治之反死一云如水流者

長病三十日死如水不流者長病不治自愈案三十日居故本作七十日

三部脈如屋漏長病十日死千金云十日死



三部脈如雀啄長病七日死

三部脈如釜中湯沸朝得暮死夜半得日中死日中得

夜半死

三部脈急切腹間病及

案居敬本作又

婉轉腹痛針上下差

三部脈微弱長病九十日死

三部脈數而微者病難治

三部脈沉而微者病難治

命之生

三部脈浮而洪者病難治

三部脈沉而微者病難治

周氏校刊





脈經卷五

張仲景論脈第一

扁鵲陰陽脈法第二

扁鵲脈法第三

扁鵲華佗察聲色要訣第四

張仲景論脈第一

問曰脈有三部陰陽相乘榮衛氣血在人體躬

呼吸出入上下於中因息游布津液流通隨時動作

微象形容春弦秋浮冬沈夏洪察色觀脈大小不同一

時之間變無經常尺寸參差或短或長上下乖錯或存

脈經



北京中醫藥大學圖書館版權所

或亡病輒改易進退低昂心迷意惑動失紀綱願為縷  
陳令得分明  
師日子之所問道之根源脈有三部尺寸及關榮衛流  
行不失衡銓腎沈心洪肺浮肝弦此自經常不失銖分  
出入升降漏刻周旋水下二刻脈一周身旋復寸口虛  
實見焉變化相乘陰陽相干風則浮虛寒則緊弦沈潛  
水滯支飲急弦動弦為痛數洪熱煩設有不應知變所  
緣三部不同病各異端太過可怪不及亦然邪不空見  
中必有奸審察表裏三焦別分知邪所舍消息診看料  
度腑藏獨見若神為子條記傳與賢人

扁鵲陰陽脈法第二



脈平旦曰太陽日中曰陽明晡時曰少陽黃昏曰少陰  
夜半曰太陰雞鳴曰厥陰是三陰三陽時也

少陽之脈乍小乍大乍長乍短動搖六分壬十一月甲

子夜半正月二月甲子壬

太陽之脈洪大以長其來浮於筋上動搖九分三月四

月甲子壬

陽明之脈浮大以短動搖三分大前小後狀如科斗其

至跳五月六月甲子壬

少陰之脈緊細動搖六分壬五月甲子日中七月八月

甲子壬

太陰之脈緊細以長乘於筋上動搖九分九月十月甲



子王

厥陰之脈沈短以緊動搖三分十一月十二月甲子

厥陰之脈急弦動搖至六分以上病遲脈寒少腹痛引

腰形喘者死脈緩者可治刺足厥陰入五分袁校云遲脈二字疑

行

少陽之脈乍短乍長乍小乍大動搖至六分以上病頭

痛脇下滿嘔可治擾即死一作偃可治偃即死刺兩季肋端足少

陽也入七分

陽明之脈洪大以浮其來滑而跳大前細後狀如科斗

動搖至三分以上病眩頭痛腹滿痛嘔可治擾即死刺

臍上四寸臍下三寸各六分



從二月至八月陽脈在表從八月至正月陽脈在裏附

陽脈強附陰脈弱至即驚實則癩癧細而沈案秦定本

癩癧即泄泄即煩煩即渴渴即腹滿滿即擾擾即腸澼

澼即脈代乍至乍不至大而沈即欬欬即上氣上氣甚

則肩息肩息甚則口舌血出血出甚即鼻血出

變出寸口陰陽表裏以互相乘如風有道陰脈乘陽也


寸口中前後溢者行案秦定袁校本作勞風寸口中外實內不滿

者三風四溫寸口者勞風勞風者大病亦發駛行汗出

亦發奕風者上下微微扶骨是其診也表緩腹內急者

奕風也猥雷實夾者飄風從陰趨陽者風邪一來調一

來速鬼邪也陰緩陽急者表有風來入藏也陰急者風



已抱陽入腹上遂遂下宛宛不能至陽流飲也上下血

微陰強者為漏癖陽強者酒癖也偃偷不過微反陽瀆

漿也陰扶骨絕者從寸口前頓趨於陰汗水也來調四

布者欲病水也陰脈不偷陽脈傷復少津寸口中後大

前兌至陽而實者癖食小過陽一分者七日癖二分者

十日癖三分者十五日癖四分者二十日癖四分中伏

不過者半歲癖敦敦不至胃陰一分飲舖餌癖也外勾

者久案居敬本癖也內卷者十日以還外強內弱者裏居案

敬本大核也并浮而弦者汁核并浮緊而數如沈病暑

食粥一作有內緊而伏麥飯若餅寸口脈倚陽緊細以

案居敬微瓜菜皮也若倚如緊薺藏菜也蹟蹟無數生



肉癖也。附陽者炙肉癖也。小倚生浮大如故生麥豆也。

案癖泰定居敬本俱作僻

扁鵲脈法第三

扁鵲曰：人一息脈二至，謂平脈；體形無苦，人一息脈三

至，謂病脈；一息四至，謂瘳者脫脈氣，其眼睛青者死；人

一息脈五至以上，死不可治也。都一作息病脈來動取

極五至，病有六七至也。袁校云疑有闕文

扁鵲曰：平和之氣，不緩不急，不滑不濇，不存不亡，不短

不長，不俛不仰，不縱不橫，此謂平脈。腎一作受如此

剛身無苦也。後入字疑衍

扁鵲曰：脈氣弦急，病在肝；少食多厭，裏急多言，頭眩目



痛腹滿筋攣癰疾上氣少腹積堅時時唾血咽喉中乾

相疾之法視色聽聲觀病之所在候脈要訣豈不微乎

脈浮如數無熱者風也若浮如數而有熱者氣也脈洪

大者又兩乳房胡案居敬本作動脈復數加有寒熱此傷寒病

也若羸長病如脈浮溢寸口復有微熱此疰氣病也如

復欬又多熱乍劇乍瘥難治也又療無劇者易瘥不欬

者易治也袁校云疑有闕文

扁鵲華佗察聲色要訣第四

病人五藏已奪神明不守聲嘶者死

病人循衣縫譫言者不可治

病人陰陽俱絕掣衣掇空妄言者死





病人妄言錯亂及不能語者不治熱病者可治

病人陰陽俱絕失音不能言者三日半死

病人兩目皆有黃色起者其病方愈

病人面黃目青者不死青如草滋死

病人面黃目赤者不死赤如衄血死

病人面黃目白者不死白如枯骨死

病人面黃目黑者不死黑如炀死

病人面目俱等者不死

病人面黑目青者不死

病人面青目白者死

病人面黑目白者不死



病人面赤目青者六日死

病人面黃目青者九日必死是謂亂經飲酒當風邪

胃經膽氣妄泄目則爲青雖有天救不可復生

病人面赤目白者十日死憂恚思慮心氣內索面色反

好急求棺槨

病人面白目黑者死此謂榮華已去血脈空索

病人面黑目白者八日死腎氣內傷病因畱積

病人面青目黃者五日死

病人着牀心痛短氣脾竭內傷百日復愈能起徬徨因

坐於地其立倚牀能治此者可謂神良

病人面無精光若土色不受飲食者四日死



病人目無精光及牙齒黑色者不治

病人耳目鼻口有黑色起入於口者必死

病人耳目及顴頰赤者在五日中

病人黑色出於額上髮際下直鼻脊兩顴上者亦死在

五日中

病人黑氣出天中下至年上顴上者死

千金翼云天中當鼻直上至髮

際年上在鼻上兩目間

病人及健人黑色若白色起入目及鼻口死在三日中

病人及健人面忽如馬肝色望之如青近之如黑者死

病人面黑目直視惡風者死

病人面黑唇青者死



病人面青脣黑者死

病人面黑兩脇下滿不能自轉反者死

病人目案居敬本目下有回回二字直視肩息者一日死

病人頭目久痛卒視無所見者死

病人陰結陽絕目精脫恍惚者死

病人陰陽絕竭目眶陷者死

病人目系傾者七日死

病人口如魚口不能復閉而氣出多不反者死

病人口張者三日死

病人脣青人中反者三日死

病人脣反人中滿者死



病人脣口忽乾者不治

病人爪甲青者死

病人爪甲白者不治

病人手足爪甲下肉黑者八日死

病人榮衛竭絕面浮腫者死

病人卒腫其面蒼黑者死

病人手掌腫無文者死

病人臍腫反出者死

病人陰囊莖俱腫者死

病人脈絕口張足腫者五日死

病人脣腫齒焦者死



病人陰陽俱竭其齒如熟小豆其脈駛者死千金方  
駛作躁

病人齒忽變黑者十三日死

病人舌卷卵縮者必死

病人汗出不流舌卷黑者死

病人髮直者十五日死

病人髮如乾麻善怒者死

病人髮與眉衝起者死

病人足趺腫嘔吐頭重者死

病人足趺上腫兩膝大如斗者十日死

病人臥遺尿不覺者死

病人尸臭者不可治



肝病皮白肺之日庚辛死

心病目黑腎之日壬癸死

脾病脣青肝之日甲乙死

肺病頰赤目腫心之日丙丁死

腎病面腫脣黃脾之日戊己死

青欲如蒼璧之澤不欲如藍赤欲如綿

案居敬本作帛

裹朱不

欲如赭白欲如鷺羽不欲如鹽黑欲如重漆不欲如炭

黃欲如羅裏雄黃不欲如黃土

目色赤者病在心白在肺黑在腎黃在脾青在肝黃色

不可名者病在胸中

診目病見赤脈從上下者太陽病也從下上者陽明病



也從外入內者少陽病也

診寒熱瘰癧日中有赤脈從上下至瞳子見一脈一歲

死見一脈半一歲半死見二脈二歲死見三脈半二歲

半死見三脈三歲死

診齟齬痛按其陽明之脈來有過者獨熱在右右熱在

左左熱在上上熱在上下下熱

診血脈者多赤多熱多青多痛多黑為久痺多赤多黑

多青皆見者寒熱身痛面色微黃齒垢黃爪甲上黃黃

疸也安臥少黃赤脈小而濇者不嗜食

扁鵲診諸反逆死脈要訣第五

扁鵲曰夫相死脈之氣如羣鳥之聚一馬之馭系水交





馳之狀如懸石之落出筋之上藏筋之下堅關之裏不

在榮衛伺候交射不可知也疑有闕文

脈病人不病脈來如屋漏雀啄者死屋漏者其來詭絕而止時時復起如

不相連屬也雀啄者脈來甚數而疾絕止復頓來也又經言得病七八日脈如屋

漏雀啄者死脈彈人手如黍米也脈來如彈石去如解索者死彈石

者辟辟急也解索者動數而隨散亂無復次緒也脈困病人脈如蝦之游如魚

之翔者死蝦游者其起而復退沒不知所在久乃復起起輒遲而沒去速者是也魚翔者似魚

不行而但掉尾動頭身搖而久住者是也脈如懸薄卷索者死脈如轉豆者

死脈如偃刀者死脈涌涌不去者死脈忽去忽來暫止

復來者死脈中侈者死脈分絕者死上下分散也

脈有表無裏者死經名曰結云即死何謂結脈在指下



如麻子動搖屬腎名曰結去死近也

脈五來一止不復增減者死經名曰代何謂代脈五來

一止也脈七來是人一息半時不復增減亦名曰代

死不疑

經曰病或有死或不治自愈或有連年月而不已其

死生存亡可切脈而知之耶然可具知也設病者若閉

目不欲見人者脈當得肝脈弦急而長反得肺脈浮短

而濇者死也病若開目而渴心下牢者脈當得緊實而

數反得沈滑而微者死病若吐血復嘔者脈當得沈

細而反浮大牢者死病若譫言妄語身當有熱脈當洪

大而反手足四逆脈反沈細微者死病若大腹而洩脈



當細微而澀反得緊大而滑者死此之謂也

經言形脈與病相反者死奈何然病若頭痛目痛脈反

短澀者死

病若腹痛脈反浮大而長者死

病若腹滿而喘脈反滑利而沈者死

病若四肢厥逆脈反浮大而短者死

病若耳聾脈反浮大而澀者死

千金翼云脈大者生沈遲細者難治

病若目眈眈脈反大而緩者死

左有病而右痛右有病而左痛下有病而上痛上有病

而下痛此為逆逆者死不可治

脈來沈之絕濡浮之不止推手者半月

一作死



北京中醫藥大學圖書館版權所有

脈來微細而絕者人病當死

人病脈不病者生脈病人不病者死

人病尸厥呼之不應脈絕者死

脈當大反小者死

肥人脈細小如絲欲絕者死

羸人得躁脈者死

人身澀而脈來往滑者死

人身滑而脈來往澀者死

人身小而脈來往大者死

人身短而脈來往長者死

人身長而脈來往短者死



人身大而脈來往小者死

尺脈不應寸時如馳半日死

千金云尺脈上應寸口太遲者半日死

肝脾俱至則穀不化肝多即死

肺肝俱至則癰疽四肢重肺多即死

心肺俱至則痺消渴懈怠心多即死

腎心俱至則難以言九竅不通四肢不舉腎多即死

脾腎俱至則五藏敗壞脾多即死

肝心俱至則熱甚癩癧汗不出妄見邪

肝腎俱至則疝瘕少腹痛婦人月使不來

肝滿腎滿肺滿皆實則為腫肺之雍喘而兩肱滿肝雍

兩肱

案泰定本作脚

滿臥則驚不得小便腎雍腳下至少腹滿



北京中醫藥大學圖書館版權所

脛有大小髀胫大跛易偏枯袁校云雍與癰通

心脈滿大癰癰筋攣

肝脈小急癰癰筋攣

肝脈驚暴有所驚駭脈不至若瘡不治自已

腎脈小急肝脈小急心脈小急不鼓皆為瘦

腎肝并沈為石水并浮為風水并虛為死并小弦案秦定袁

校本俱作強欲驚

腎脈大急沈肝脈大急沈皆為痲

心脈搏滑急為心痲

肺脈沈搏為肺痲

脾脈外鼓沈為腸澼久自已



肝脈小緩為腸澼易治

腎脈小搏沈為腸澼下血溫身熱者死心肝澼亦下血

五藏同病者可治其脈小沈澼者為腸澼其身熱者死

熱見七日死

胃脈沈鼓澼胃外鼓大心脈小腎急背膈偏枯男子發

左女子發右不瘖舌轉可治三十日起其順者瘖三歲

起年不滿二十者三歲死

脈至而搏血衄身有熱者死

脈來如懸鉤浮為熱

脈至如喘名曰氣厥氣厥者不知與人言

素問甲乙作暴厥

脈至如數使人暴驚三四日自己



脈至浮合浮合如數一息十至十至以上是為經氣子

不足也微見九十日死飢者不眠與人言

脈至如火新然是心精之子奪也草乾而死

脈至如散葉是肝氣子虛也木葉落而死木葉落作棗華

脈至如省客省客者脈塞而鼓是腎氣子不足也懸去

棗華而死不詳苦轉何第三十日強其脈者

脈至如泥丸是胃精子不足也榆莢落而死素問莢作葉

脈至如橫格是膽氣子不足也禾熟而死

脈至如弦縷是胞精子不足也病善言下霜而死不言

可治不詳

脈至如交漆交漆者左右旁至也微見四十日死甲乙作交





棘

脈至如涌泉浮鼓肌中是太陽氣予不足也少氣味非英而死

脈至如委土素問作頽土之狀按之不得是肌氣予不足也

五色先見黑白壘一作發死

脈至如懸雍懸雍者浮揣切之益大是十二俞之予不

足也水凝而死

脈至如偃刀偃刀者浮之小急而按之堅大急五藏菀

熱寒熱獨併於腎也如此其人不得坐立春而死袁校云菀

鬱通

脈至如丸滑不直手不直手者按之不可得也是大腸



氣子不足也棗葉生而死

脈至如春者令人善恐不欲坐臥行立常聽是小腸氣子不足也季秋而死

問曰常以春二月中脈一病人其脈反沈師記言到秋

當死其病反愈到七月復病因往脈之其脈續沈復記言至冬死問曰二月中得沈脈何以故處之至秋死也

師曰二月之時其脈自當濡弱而弦得沈脈到秋自沈

脈見浮即死故知到秋當死也七月之時脈復得沈何以處之至冬當死師曰沈脈屬腎真藏脈也非時妄見

經言王相囚死冬脈本王脈不再見故知至冬當死然

後至冬復病正以冬至日死故知爲諦華佗倣此

脈經卷六

肝足厥陰經病證第一

案奉定居敬本無足厥陰經四字下無經名並同

膽足少陽經病證第二

心手少陰經病證第三

小腸手太陽經病證第四

脾足太陰經病證第五

胃足陽明經病證第六

肺手太陰經病證第七

大腸手陽明經病證第八

腎足少陰經病證第九

膀胱足太陽經病證第十



南京中醫藥大學圖書館版權所有

三焦手少陽經病證第十一

○肝足厥陰經病證第一

肝氣虛則恐實則怒肝氣虛則夢見園苑生草得其時則夢伏樹下不敢起肝氣盛則夢怒厥氣客於肝則夢

山林樹木

病在肝平旦慧下晡甚夜半靜

病先發於肝者頭目眩脇痛支滿一日之脾閉塞不通身痛體重二日之胃而腹脹三日之腎少腹腰脊痛脛瘦十日不已死冬日入夏早食

肝脈搏堅而長色不青當病墜墮若搏因血在脇下令  
人喘逆若奕而散其色澤者當病溢飲溢飲者渴暴多

飲而溢

一作易

入肌皮腸胃之外也肝脈沈之而急浮之

亦然苦脇下痛有氣支滿引少腹而痛時小便難著身

眩頭痛腰背痛足為逆寒時癢女人月信不來時無時

有得之少時有所墜墮

其曾士決未嘗

肝

青脈之至也長而左右彈診曰有積氣在心下支肱名

曰肝痺得之寒濕與疝同法腰痛足清頭痛

脈

肝中風者頭目暈兩脇痛行常偃令人嗜甘如阻婦狀

肝中寒者其人洗洗惡寒翁翁發熱面翁然赤繫繫有

汗胸中煩熱肝中寒者其人兩臂不舉舌本

又作大

燥善

太息胸中痛不得轉側時時盜汗欬食已吐其汁

肝

肝主胸中喘怒罵其脈沈胷中必窒欲令人推按之有



熱鼻窒

凡有所墜墮惡血留內若有所大怒氣上而不能下積於左脇下則傷肝肝傷者其人脫肉又臥口欲得張時時手足青目瞑瞳人痛此為肝藏傷所致也肝脹者脇下滿而痛引少腹肝水者其人腹大不能自轉側而脇下腹中痛時時津液微生小便續通

肺乘肝即為癰腫心乘肝必吐利

肝著者其病人常欲蹈其胷上先未苦時但欲飲熱袁校

云疑有闕文

肝之積名曰肥氣在左脇下如覆盆有頭足如龜鼈狀久久不愈發欬逆癆瘵連歲月不已以季夏戊己日得



之何也。肺病傳肝，肝當傳脾，脾適以季夏王，王者不受，邪肝復欲還肺，肺不肯受，因畱結爲積，故知肥氣以季夏得之。

肝病其色青，手足拘急，脇下苦滿，或時眩冒，其脈弦長，此爲可治。宜服防風竹瀝湯。秦芫散，春當刺大敦，夏刺行間，冬刺曲泉，皆補之。季夏刺太衝，秋刺中郄，皆瀉之。又當灸期門百壯，背第九椎五十壯。肝病者必兩脇下痛，引小腹，令人善怒，虛則目眈眈無所見，耳無所聞，善恐如人將捕之。若欲治之，當取其經，足厥陰與少陽氣逆，則頭目痛，耳聾不聰，頰腫，取血者

袁校云血者謂有血之穴



邪在肝則兩脇中痛寒中惡血在內筋善癢節時

案時泰定

本作肘考千金方肝脈論作時腫取之行間以引脇下補三里以溫胃

中取血脈以散惡血取耳間青脈以去其癢

足厥陰之脈起於大指葉毛之際上循足趺上廉去內

踝一寸上踝八寸交出太陰之後上膈內廉循股陰入

毛中環陰氣案當作器抵少腹俠胃屬肝絡膽上貫膈布脇

肋循喉嚨之後上入頤頰連目系上出額與督脈會於

巔其支者從目系下頰裏環脣內其支者復從肝別貫

革案居敬本作膈千金方肝藏脈論亦作膈上注肺中是動則病腰痛不可

以俛仰丈夫癩疝婦人少腹腫甚則隘乾面塵脫色是

主肝所生病者胸滿嘔逆洞泄狐疝遺溺閉癢盛者則





寸口大一倍於人迎，虛者則寸口反小於人迎也。足厥陰之別名曰蠡溝，去內踝上五寸，別走少陽。其別者循經上，畢結於莖。其病氣逆則畢腫卒疝，實則難長。熱虛則暴癢，取之所別。肝病胸滿脇脹，善悲怒，叫呼，身體有熱而復惡寒，四肢不舉，面目白，身體滑，其脈當弦長而急。今反短濇，其色當青而反白者，此是金之剋木，爲大逆，十死不治。

膽足少陽經病證第二

膽病者善太息，口苦嘔宿汁，心澹澹恐，如人將捕之，噤中介介然，數唾，候在足少陽之本末亦見。其脈之陷下者灸之，其寒熱刺陽陵泉，善嘔有苦汁，長太息，心中澹



澹善悲恐。如人將捕之。邪在膽。逆在胃。膽溢案居敬則本作液則

口苦。胃氣逆則嘔苦汁。故曰嘔。膽刺三里以下。胃氣逆

刺足少陽血絡以閉膽。卻調其虛實以去其邪也。

膽脹者。脇下痛脹。口苦太息。

厥氣客於膽。則夢鬪訟。

足少陽之脈起於目兌。眚上抵頭角。下耳後循頸。行手

少陽之脈前至肩上。卻交手少陽之後。入缺盆。其支者

從耳後入耳中。出走耳前。至兌眚後。其支者別兌眚下

大迎。合手少陽於頤。一本云別兌眚上迎手少陽於巔下加頰車。下頸

合缺盆。以下胸中。貫膈絡肝。屬膽。循脇裏。出氣街。遶毛

際。橫入髀厭中。其直者從缺盆下腋。循胸中。過季脇。下



合髀厭中以下循髀陽出膝外廉下外輔骨之前直下  
抵絕骨之端下出外踝之前循足趺上出小指次指之  
端其支者趺上入大指之間循大指歧內出其端還貫  
入爪甲出三毛是動則病口苦善太息心脇痛不能反  
側甚則面微塵體無膏澤足外反熱是爲陽厥是主骨  
所生病者頭痛角案袁校本  
作頭角痛額痛目兌皆痛缺盆中腫  
痛腋腫下腫痛馬刀挾瘦汗出振寒瘧胸中脇肋髀膝外  
至脘絕骨外踝前及諸節皆痛小指次指不用盛者則  
人迎大一倍於寸口虛者則人迎反小於寸口也

○心手少陰經病證第三

心氣虛則悲不已實則笑不休心氣虛則夢救火傷物

得其時則夢燔灼心氣盛則夢喜笑及恐畏厥氣客於

心則夢兵

素兵秦定本作邱千金作邱山

烟火

病在心日中慧夜半甚平旦靜

病先發於心者心痛一日之肺喘欬三日之肝脇痛支

滿五日之脾閉塞不通身痛體重三日不已死冬夜半

夏日中

心脈搏堅而長當病舌卷不能言其奕而散者當病消

渴自己心脈沈之小而緊浮之不喘苦心下聚氣而痛

食不下喜咽唾時手足熱煩滿時忘不樂喜太息得之

憂思

赤脈之至也喘而堅診日有積氣在中時害於食名曰



心痺得之外疾思慮而心虛故邪從之

心脈急名曰心疝小腹當有形其以心為牡藏小腸為

之使故小腹當有形

邪哭使魂魄不安者血氣少也血氣少者屬於心心氣

虛者其人即畏

一作衰

合目欲眠夢遠行而精神離散魂

魄妄行陰氣衰者即為癰陽氣衰者即為狂五藏者魂

魄之宅舍精神之所依託也魂魄飛揚者其五藏空虛

也即邪神居之神靈所使鬼而下之脈短而微其藏不

足則魂魄不安魂屬於肝魄屬於肺肺主津液即為涕

泣肺氣衰者即為泣出肝氣衰者魂不安肝主善怒其

聲呼



心中風者翁翁發熱不能起心中飢而欲食食則嘔心中寒者其人病心如噉蒜狀劇者心痛徹背背痛徹心如蟲注其脈浮者自吐乃愈

愁憂思慮則傷心心傷則苦驚喜忘善怒心傷者其人

勞倦即頭面赤而下重心中痛徹背自發煩熱案千金

煩發當臍跳案泰定居敬木作挑千金方作跳手其脈弦此為心藏傷

所致也

心脹者煩心短氣臥不安

心水者其人身體重一作腫而少氣不得臥煩而躁其陰

大腫

腎乘心必癢



真心痛手足清至節心痛甚旦發夕死夕發旦死

心腹痛懊懣發作腫聚往來上下行痛有休作心腹中  
熱苦渴涎出是虻咬也以手聚而堅持之毋令得移以  
大針刺之久持之蟲不動乃出針腸中有蟲虻咬皆不  
可取以小針

心之積名曰伏梁起於臍上上至心大如臂久久不愈  
病煩心心痛以秋庚辛日得之何也腎病傳心心當傳  
肺肺適以秋王王者不受邪心復欲還腎腎不肯受因  
畱結爲積故知伏梁以秋得之

心病其色赤心痛短氣手掌煩熱或啼笑罵詈悲思愁  
慮面赤身熱其脈實大而數此爲可治春當刺中衝夏

刺勞宮季夏刺太陵皆補之秋刺間使冬刺曲澤皆瀉

之此是手厥陰心包絡經又當灸巨闕五十壯背第五椎百壯

心病者胸內痛脇支滿兩脇下痛膺背肩甲間痛兩臂

內痛虛則胸腹大脇下與腰背相引而痛取其經手少

陰太陽舌下血者其變病刺郄中血者

邪在心則病心痛善悲時眩仆視有餘不足而調其輸

案諸本作調之其輸千金方心臟脈論作調其輸從之

靈樞云所注為腧注灌注也腧輸運也言脈注於此而

輸於彼也史記扁鵲傳五藏之輸註十二經皆

以輸為原蓋經穴也是腧古通作輸又作俞

黃帝曰手少陰之脈獨無輸案無治病何也岐伯曰少

陰者心脈也心者五臟六腑之大主也心為帝王精神

之所舍其藏堅固邪不能客客之則傷心心傷則神去





神去則身死矣。故諸邪在於心者，皆心之包絡包絡也。者，心主之脈也。故少陰無輸焉，少陰無輸，心不病乎？對曰：其外經腑病藏不病，故獨取其經於掌後兌骨之端也。

手心主之脈起於胸中，出屬心包，下膈，歷絡三焦。其支者循胸出脇，下腋三寸，上抵腋下，循臑內行，太陰少陰之間，入肘中，下臂行兩筋之間，入掌中，循中指，指出其端。其支者別掌中，循小指次指，指出其端。是動則病，手心熱，肘臂攣急，腋腫甚，則胸脇支滿，心中澹澹大動，面赤目黃，善笑不休，是主脈所生病者。煩心心痛，掌中熱盛者，則寸口大一倍於人迎，虛則寸口反小於人迎也。

手心主之別名曰內關去腕二寸出於兩筋間循經以  
上繫於心包絡心系氣實則心痛虛則爲煩心取之兩  
筋間

心病煩悶少氣大熱熱上盪心嘔吐欬逆狂語汗出如  
珠身體厥冷其脈當浮今反沈濡而滑其色當赤而反  
黑者此是水之剋火爲大逆十死不治

○小腸手太陽經病證第四

小腸病者小腹痛腰脊控睪而痛時窘乏復耳前熱若  
寒甚獨肩上熱及手小指次指之間熱若脈陷者此其  
候也

小腹控睪引腰脊上衝心邪在小腸者連睪系屬於脊

貫肝肺絡心系氣盛則厥逆上衝腸胃動肝肺散於背

結於厥

一作齊案千金方作躄

故取之背原以散之刺太陰以通

之取厥陰以下之取巨虛下廉以去之按其所過之經以調之

小腸有寒其人下重便膿血有熱必痔小腸有宿食常

暮發熱明日復止小腸脹者小腹臙脹引腹而痛

厥氣客於小腸則夢聚邑街衢

手太陽之脈起於小指之端循手外側上腕出踝中直

上循臂骨下廉出肘內側兩骨之間上循臑外後廉出

肩解繞肩甲交肩上入缺盆向腋絡心循咽下膈抵胃

屬小腸其支者從缺盆循頸上頰至目兌背卻入耳中

其支者別頰上頤抵鼻至目內眥斜絡於顴是動則病  
噎痛頷腫不可以顧肩似拔臑似折是主液所生病者  
耳聾目黃頰頷腫頸肩臑肘臂外後廉痛盛者則人迎  
大再倍於寸口虛者則人迎反小於寸口也

脾足太陰經病證第五

脾氣虛則四肢不用五臟不安實則腹脹溼洩不利脾  
氣虛則夢飲食不足得其時則夢築垣蓋屋脾氣盛則  
夢歌樂體重手足不舉厥氣客於脾則夢邱陵大澤壞  
屋風雨

病在脾日昃慧平旦甚日中持下晡靜

病先發於脾閉塞不通身痛體重一日之胃而腹脹二

日之腎小腹腰脊痛脛痠三日之膀胱背脇筋痛小便閉十日不已死冬人定夏晏食

脾脈搏堅而長其色黃當病少氣其栗而散色不澤者當病足胛腫若水狀

脾脈沈之而濡浮之而虛苦腹脹煩滿胃中有熱不嗜食食而不化大便難四肢苦痺時不仁得之房內月使不來來而頻併

黃脈之至也大而虛有積氣在腹中有厥氣名曰厥疝女子同法得之疾使四肢汗出當風

寸口脈弦而滑弦則爲痛滑則爲實痛卽爲急實卽爲踊痛踊相搏卽胸脇搶急



跌陽脈浮而澀浮卽胃氣微澀卽脾氣衰微衰相搏卽呼吸不得此爲脾家失度

寸口脈雙緊卽爲入其氣不出無表有裏心下痞堅跌陽脈微而濇微卽無胃氣澀卽傷脾寒在於膈而反下之寒積不消胃微脾傷穀氣不行食已自噫寒在胸膈上虛下實穀氣不通爲祕塞之病

寸口脈緩而遲緩則爲陽衛氣長遲則爲陰榮氣促榮衛俱和剛柔相得三焦相承其氣必強

跌陽脈滑而緊滑卽胃氣實緊卽脾氣傷得食而不消者此脾不治也能食而腹不滿此爲胃氣有餘腹滿而不能食心下如飢此爲胃氣不行心氣虛也得食而滿



者此為脾家不治

脾中風者翕翕發熱形如醉人腹中煩重皮肉潤而短氣也

凡有所擊仆若醉飽入房汗出當風則傷脾脾傷則中氣陰陽離別陽不從陰故以三分候死生

脾氣弱病利下白腸垢大便堅不能更衣汗出不止名曰脾氣弱或五液注下青黃赤白黑

病人鼻下平者胃病也微赤者病發癰微黑者有熱青者有寒白者不治唇黑者胃先病微燥而渴者可治不

渴者不可治臍反出者此為脾先落

一二云先終

脾脹者善噦四肢急體重不能衣

一作枚案枚疑收字之譌



脾水者其人腹大四肢苦重津液不生但苦少氣小便難

跌陽脈浮而澀浮則胃氣強澀則小便數浮澀相搏大便則堅其脾爲約脾約者其人大便堅小便利而反不渴

凡人病脈已解而反暮微煩者人見病者差安而強與穀脾胃氣尙弱不能消穀故令微煩損穀則愈

脾之積名曰痞氣在胃脘覆大如盤久久不愈病四肢不收黃痺食飲不爲肌膚以冬王癸日得之何也肝病傳脾脾當傳腎腎適以冬王王者不受邪脾復欲還肝病不肯受因畱結爲積故知痞氣以冬得之



脾病其色黃，飲食不消，腹苦脹滿，體重節痛，大便秘，其脈微緩而長，此為可治。宜服平胃丸、瀉脾丸、茱萸丸、附子湯、春當刺、隱白、冬刺陰陵泉，皆瀉之。夏刺大都、季夏刺公孫、秋刺商邱，皆補之。又當灸章門五十壯，背第十一椎百壯。

脾病者，必身重苦飢，足痿不收。

素問作善飢肉痿足不收

脰善瘕，腳

下痛，虛則腹脹，腸鳴漉泄，食不化，取其經足太陰陽明少陰血者。

邪在脾則肌肉痛，陽氣有餘，陰氣不足，則熱中善飢，陽氣不足，陰氣有餘，則寒中腸鳴腹痛，陰陽俱有餘，若俱不足，則有寒有熱，皆調其三里。



足太陰之脈起於大指之端循指內側白肉際過核骨

後上內踝前廉上臑內循肱骨後交出厥陰之前上循

膝股內前廉入腹屬脾絡胃上膈俠咽連舌本散舌下

其支者復從胃別上膈注心中是動則病舌本強食則

嘔吐一作胃管痛腹脹善噫得後與氣則快然而食案泰定居

敬本身體皆重是主脾所生病者舌本痛體不能動搖

作衰食不下煩心心下急痛寒瘧瘡痕泄水閉黃疸好臥不

能食肉脣青強立股膝內痛厥足大指不用盛者則寸

口大三倍於人迎虛者則寸口反小於人迎也

足太陰之別名曰公孫去本節後一寸別走陽明其別

者入絡腸胃厥氣上逆則霍亂實則腹中切痛虛則鼓



脹取之所別

脾病其色黃體青失浚直視脣反張爪甲青飲食吐逆  
體重節痛四肢不舉其脈當浮大而緩今反弦急其色  
當黃今反青此是木之剋土爲大逆十死不治

胃足陽明經病證第六

胃病者腹脹胃脘當心而痛上支兩脇膈咽不通飲食  
不下取三里

飲食不下膈塞不通邪在胃脘在上脘則抑而刺之在  
下脘則散而去之

胃脈搏堅而長其色赤當病折髀其栗而散者當病食  
痺髀痛胃中有癖食冷物者痛不能食食熱則能食胃



脹者腹滿胃脘痛鼻聞焦臭妨於食大便難

診得胃脈病形何如曰胃實則脹虛則洩

病先發於胃脹滿五日之腎少腹腰脊痛脛痠三日

膀胱背脇筋痛小便閉五日上之脾閉塞不通身痛體

重

靈樞云  
上之心

六日不已死冬夜半後夏日暎

六日一  
作三日

脈浮而芤浮則為陽芤則為陰浮芤相搏胃氣生熱其

陽則絕

跌陽脈浮者胃氣虛也跌陽脈浮大者此胃家微虛煩

鬪必日再行芤而有胃氣者脈浮之大而更微按之芤

故知芤而有胃氣也跌陽脈數者胃中有熱即消穀引

食跌陽脈濇者胃中有寒水穀不化跌陽脈麤麤而浮



者其病難治。跌陽脈浮遲者，故久病。跌陽脈虛則遺溺，實則失氣。

動作頭痛，重熱氣朝者，屬胃。

厥氣客於胃，則夢飲食。

足陽明之脈，起於鼻，交頰中，旁約太陽之脈，下循鼻外，入上齒中，還出，俠口環脣，下交承漿，卻循頤後，下廉，出大迎，循頰車，上耳前，過客主人，循髮際，至額顛，其支者，從大迎前下，人迎，循喉嚨，入缺盆，下膈，屬胃，絡脾，其直者，從缺盆下，乳內廉，下俠臍，入氣街中，其支者起胃下口，循腹裏，下至氣街中，而合以下髀關，抵伏菟，下入膝臘中，下循脰外廉，下足跗，入中指內間，其支者下膝三

寸而別以下入中指外間其支者別跗上入大指間出其端是動則病悽悽然振寒善伸數欠顏黑病至則惡人與火聞木音則惕然而驚心動欲獨閉戶牖而處甚則欲上高而歌棄衣而走黃響腹脹是為肝一作厥是主血一作所生病者狂瘡一作溫淫汗出勦衄口喎唇緊頸腫喉痺大腹水腫膝臏痛循膺乳街股伏菟一作外廉足跗上皆痛中指不用氣盛則身以前皆熱其有餘於胃則消穀善飢溺色黃氣不足則身以前皆寒慄胃中寒則脹滿盛者則人迎大三倍於寸口虛者則人迎反小於寸口也

○肺手太陰經病證第七



肺氣虛則鼻息利

案靈樞作鼻塞不利

少氣實則喘喝

案張介賓類經注云

喘喝者氣促聲麤也

胸憑

案靈樞作胸盈介賓注胸盈者脹滿也

仰息肺氣虛則夢

見白物見人斬血藉藉得其時則夢見兵戰肺氣盛則

夢恐懼哭泣厥氣客於肺則飛揚見金鐵之器奇物

病在肺下晡慧日中甚夜半靜

病先發於肺喘咳三日之肝脇痛支滿一日之脾閉塞

不通身痛體重五日之胃腹脹十日不已死冬日入夏

日出

肺脈搏堅而長當病吐血其濡而散者當病漏汗

漏一作灌

至今不復散發

袁校云六字疑衍

肺脈沈之而數浮之而喘

袁校

云疑作濡

苦洗洗寒熱腹滿腸中熱

袁校云肺以大腸為腑

小便赤肩



背痛從腰已上汗出得之房內汗出當風

白脈之至也喘疑作濡而浮大上虛下實驚有積氣在胸

中喘而虛名曰肺痺寒熱得之因醉而使內也

肺中風者口燥而喘身運而重冒案秦定本作胃而腫

脹肺中寒者其人吐濁涕

形寒寒飲則傷肺以其兩寒相感中外皆傷故氣逆而

上行肺傷者其人勞倦則欬唾血其脈細緊浮數皆吐

血此為操案操當為躁擾嗔怒得之肺傷氣擁所致

肺脹者虛而滿喘欬逆倚息目如脫狀其脈浮

肺水者其人身體重而小便難時時大便鴨溏

肝乘肺必作虛滿





脈栗而弱，弱反在關，栗反在顛，浮反在上，弱反在下，浮則爲陽，弱則血不足，必弱爲虛，浮弱自別，浮則自出，弱則爲入，浮則爲出不入，此爲有表無裏，弱則爲入不出，此爲無表有裏，陽出極，汗齊腰而還，此爲無表有裏，故名曰厥陽在，當汗出不汗出。

跌陽

案千金方肺藏脈論作太陽

脈浮緩，少陽微緊，微爲血虛，緊爲

微寒，此爲鼠乳，其病屬肺。

肺之積名曰息賁，在右脇下，覆大如盂，久久不愈，病洒洒寒熱，氣逆喘欬，發肺癰，以春甲乙日得之，何也？心病傳肺，肺當傳肝，肝適以春王，王者不受邪，肺復欲還心，心不肯受，因畱結爲積，故知息賁以春得之。

肺病其色白身體但寒無熱時時欬其脈微遲為可治  
 宜服五味子大補肺湯瀉肺散春當刺少商夏刺魚際  
 皆瀉之季夏刺大淵秋刺經渠冬刺尺澤皆補之又當

灸臙中百壯背第三椎二十五壯

肺病者必喘欬逆氣肩息背痛汗出尻陰股膝攣髀臑  
 肱足皆痛虛則少氣不能報息耳聾隘乾取其經手太  
 陰足太陽之外厥陰內少陰血者

邪在肺則皮膚痛發寒熱上氣氣喘汗出欬動肩背取  
 之膺中外輪背第三椎之傍以手痛案痛當按之快然

乃刺之取之缺盆中以越之

手太陰之脈起於中焦下絡大腸還循胃口上膈屬肺



從肺系橫出腋下一下循臑內行少陰心主之前下循臂

內上骨下廉入寸口上魚循魚際出大指之端其支者

從腕後直次指內廉出其端是動則病肺脹滿膨膨而

喘欬缺盆中痛甚則交兩手而督是為臂厥是主肺所

生病者欬上氣喘喝煩心胸滿臑臂內前廉痛掌中熱

氣盛有餘則肩背痛風汗出小便數而欠氣虛則肩背

痛寒少氣不足以息溺色變卒遺失案當為矢之譌無度盛者

則寸口大三倍於人迎虛者則寸口反小於人迎也

手太陰之別名曰列缺起於腋下一云腕上案手太陰之絡名列缺在腕後

一寸五分分間案上側分肉間別走陽明其別者竝太陰之經直入

掌中散入於魚際其實案靈樞云病實則手銳掌起案靈樞云掌熱虛



則欠欬

案張介賓靈樞經脈篇注云欠欬張口伸腰也體倦則伸志倦則欬居敬本作欬誤

小便

遺數取之去腕一寸半

肺病身當有熱欬嗽短氣唾出膿血其脈當短濇今反

浮大其色當白而反赤者此是火之剋金為大逆十死

不治

大腸手陽明經病證第八

大腸病者腸中切痛而鳴濯濯冬日重感於寒則泄當

臍而痛不能久立與胃同候取巨虛上廉腸中雷鳴氣

上衝胸喘不能久立邪在大腸刺育之原巨虛上廉三

里

大腸有寒鶩溏有熱便腸垢大腸有宿食寒慄發熱有



時如瘡狀。大腸脹者腸鳴而痛。寒則泄。食不化。

厥氣客於大腸則夢田野。

手陽明之脈起於大指次指之端外側。循指上廉。出合谷兩骨之間。上入兩筋之中。循臂上廉。上入肘外廉。循臑外前廉。上肩出髃骨之前廉。上出柱骨之會上。下入缺盆。絡肺下膈。屬大腸。其支者從缺盆直入上頸貫頰。入下齒縫中。還出俠口交人中。左之右。右之左。上俠鼻孔。是動則病齒痛頸腫。是主津。所生病者目黃口乾。鼽衄喉痺。肩前臑痛。大指次指痛不用。氣盛有餘則當脈所過者熱腫。虛則寒慄不復。盛者則人迎大三倍於寸口。虛者則人迎反小於寸口也。

腎足少陰經病證第九

腎氣虛則厥逆實則脹滿四肢正黑腎氣虛則夢見舟船溺人得其時夢伏水中若有畏怖腎氣盛則夢腰脊

兩解不相屬厥氣客於腎則夢臨淵沒居水中

病在腎夜半慧日乘四季甚下晡靜

病先發於腎小腹腰脊痛脛痠三日之膀胱背脇筋痛

小便閉二日上之心心痛三日之小腸脹四日不已死

冬大食案食為晨字之譌夏晏晡

腎脈搏堅而長其色黃而赤當病折腰其奕而散者當病少血腎脈沈之大而堅浮之大而緊苦手足骨腫厥而陰不興腰脊痛小腹腫心下有水氣時脹閉時泄得



之浴水中身未乾而合房內及勞倦發之

黑脈之至也上堅而大有積氣在小腹與陰名曰腎瀝

得之沐浴清水而臥

凡有所用力舉重若入房過度汗出如浴水則傷腎

腎脹者腹滿引背央央然腰髀痛腎水者其人腹大臍  
腫腰重痛不得溺陰下濕如牛鼻頭汗其足逆寒大便

反堅

腎著之為病從腰以下冷腰重如帶五千錢腎著之病

其人身體重腰中冷如冰狀

一作如水洗狀一作如坐水中形如水狀

反不

渴小便自利食飲如故是其證也病屬下焦從身勞汗

出衣裏冷濕故久久得之



腎之積名曰奔豚發於小腹上至心下如豚奔走之狀  
上下無時久久不愈病喘逆骨痠少氣以夏丙丁日得  
之何也脾病傳腎腎當傳心心適以夏王王者不受邪  
腎復欲還脾脾不肯受因留結爲積故知奔豚以夏得  
之

水流夜疾何以故師曰土休故流疾而有聲人亦應之  
人夜臥則脾不動搖脈爲之數疾也

腎病其色黑其氣虛弱吸吸少氣兩耳苦聾腰痛時時  
失精飲食減少膝以下清其脈沈滑而遲此爲可治宜  
服內補散建中湯腎氣丸地黃煎春當刺湧泉秋刺伏  
留冬刺陰谷皆補之夏刺然谷季夏刺大谿皆瀉之又



當灸京門五十壯、背第十四椎百壯。

腎病者必腹大、脛腫痛、喘欬、身重、寢汗出、憎風、虛則胸中痛、大腹、小腹痛、清厥、意不樂、取其經足少陰、太陽、

者、邪在腎則骨痛、陰痺、陰痺者按之而不得、腹脹腰痛、大便難、肩背頸項強痛、時眩、取之湧泉、崑崙、視有血者盡取之。

足少陰之脈起於小指之下、斜趨足心、出然骨之下、循內踝之後、別入跟中、以上膕內、出膕中、內廉、上股內後廉、貫脊、屬腎、絡膀胱、其直者從腎上、貫肝、膈入肺中、循喉嚨、俠舌本、其支者從肺出、絡心、注胸中、是動則病飢。



而不欲食，面黑如炭色。一作地色欬唾則有血，喉鳴而喘坐

而欲起，目眈眈無所見，心懸若飢狀，氣不足則善恐，心

惕惕，若人將捕之，是為腎厥。一作痿是主腎所生病者，口

熱舌乾，咽腫，上氣嗑乾及痛，煩心，心痛，黃疸，腸澼，脊股

內後廉痛，痿厥嗜臥，足下熱而痛，灸則強食而生，害一作

肉，緩帶被髮，大杖重履而步，盛者則寸口大再倍於人

迎，虛者則寸口反小於人迎也。

足少陰之別，名曰大鍾，當踝後繞跟，別走太陽，其別者

竝經，上走於心包，下貫腰脊，其病氣逆則煩悶，實則閉

癢，虛則腰痛，取之所別。

腎病手足逆冷，面赤目黃，小便不禁，骨節煩疼，小腹結



痛氣衝於心其脈當沈細而滑今反浮大其色當黑而反黃此是土之剋水爲大逆十死不治

○膀胱足太陽經病證第十

膀胱病者小腹偏腫而痛以手按之則欲小便而不得肩土熱若脈陷足小指外側及脛踝後皆熱若脈陷者取委中

膀胱脹者小腹滿而氣癢

病先發於膀胱者背脇筋痛小便閉五日之腎小腹腰脊痛脛痠一日之小腸脹一日之脾閉塞不通身痛體重二日不已死冬雞鳴夏下晡

一云日夕

厥氣客於膀胱則夢遊行



足太陽之脈起於目內眥上額交巔上其支者從巔至

耳上角其直者從巔入絡腦還出別下項循肩膊內俠

脊抵腰中入循膂絡腎屬膀胱其支者從腰中下會於

後陰下貫臀入臑中其支者從膊內左右別下貫髀

脾案千金方作脾  
居敬本作肺誤過髀樞循髀外後廉下合臑中以下

貫臑內出外踝之後循京骨至小指外側是動則病衝

頭痛目似脫項似拔脊痛腰似折髀不可以曲臑如結

喘如裂是為踝厥是主筋所生病者痔瘡狂癲疾頭腦

頂痛目黃淚出鼯衄項背腰尻臑脚皆痛小指不用

盛者則人迎大再倍於寸口虛者則人迎反小於寸口

也



三焦手少陽經病證第十一

三焦病者腹脹氣滿小腹尤堅不得小便窘急溢則為水雷則為脹候在足太陽之外大絡在太陽少陽之間亦見於脈取委陽少腹病腫不得小便邪在三焦約取太陽大絡視其結脈與厥陰小絡結而血者腫上及胃管取三里

三焦脹者氣滿於皮膚殼殼然而堅不疼出日食費熱在上焦因欬為肺痿熱在中焦因腹堅熱在下焦因溺血

手少陽之脈起於小指次指之端上出兩指之間循手表腕出臂外兩骨之間上貫肘循臑外上肩而交出足



少陽之後入缺盆交膈中散絡心包下膈徧屬三焦其

支者從膈中上出缺盆上項俠耳後直上出耳上角

屈下額一作頰至頤其支者從耳後入耳中出走耳前過

客主人前交頰至目兌眚是動則病耳聾輝輝案靈樞作渾渾

不明焯焯噤腫喉痺是主氣所生病者汗出目兌眚痛

頰腫耳後肩臑肘臂外皆痛小指次指不用盛者則人

迎大一倍於寸口虛者則人迎反小於寸口也

皖南建德

周氏校刊

